

蒙兀見史記

結一宦主人自題

卷之九

碩德八刺可汗本紀第十 蒙兀兒史記卷第十二

武進屠 寄篋

碩德八刺可汗。愛育黎拔力八達可汗適子也。母翁吉刺氏阿納失舍里可敦。以大德二年二月甲子生汗潛邸。皇慶初。汗年十二。

未出閣。八達汗即為置四怯薛。仁宗舊紀皇慶元年夏四月壬午。赦皇子碩德八年。安用宿衛此實微示。刺置四宿衛時碩德八刺才十二歲。並非出閣之

朝臣欲立為皇太子也。丞相鐵木迭兒希旨。請立為皇太子。汗知海山汗

朝有成約。其子和世刺當先立。而後及已。因謁與聖太后辭曰。臣

幼無能。且有兄和世疎在。請立兄。以臣輔之。太后不許。延祐三年。

和世疎以周王出鎮雲南。中道反。奔漠北。是年十二月丁亥。汗遂

受皇太子金寶。開東宮。置官屬。六年十月戊午。受玉冊。有詔百司

庶務。先啟後聞。時汗以皇太子領中書令兼樞密使故也。汗謂省

臣曰。至尊委我以天下事。夙夜寅畏。惟恐弗堪。公等當竭心力。匡

我不逮。俾無貽君父憂。七年正月。八達汗不豫。汗憂形於色。夜焚

香禱天。祈以身代。是月辛丑。遭大喪。素服寢苦。日啜一粥。哀毀過

禮 甲辰汗在諒闇右丞相伯答沙罷鐵木迭兒以太后命復拜

中書右丞相 二月戊午遣官祭社稷時定每歲二仲月中戊祭社稷此為春祭之始後不悉書 建

先帝御容殿於永福寺 汰富民竄名宿衛者給役蒙兀諸驛

白雲宗總攝沈明仁以不法坐臯籍其徒為民 括民間係官山

場河泊審治廬舍 勘崇祥院地其冒以官地獻者追其直以民

地獻者歸其主 定京城環衛更番法準五衛漢軍歲例 奪西

僧亦憐真乞烈思司徒國公制仍銷其印 時汗猶在東宮鐵木

迭兒與徽政使識烈門舊作失列門依明宗紀改表裏為奸識烈門以太后懿旨

請更朝官汗曰此豈除官時耶且先帝舊臣未宜輕動俟予即位

議於宗親元老賢者任之邪者黜之可也然鐵木迭兒已矯命召

江淞行省左丞相黑驢陝西行省平章趙世榮竝入為中書平章

政事江西行省右丞木八刺入為中書右丞進參知政事張思明

為中書左丞出中書平章兀伯都刺為甘肅行省平章阿禮海牙

為湖廣行省平章中書左丞換住為嶺北行省右丞罷御史大夫

脫歡荅刺罕

舊紀御史大夫脫歡上有平章政事赤斤鐵木兒按宰相表平章赤因帖木兒延祐五年九月罷紀文年月不符殆誤且赤斤鐵木兒後預南坡逆謀與鐵木

迭兒子鎖南同黨此時果在平章之位鐵木迭兒必不罷之

爲集賢大學士逮四川行省平章趙世延赴

京將治其辜奪前中書平章李孟元受秦國公印及制命仍仆其先墓碑且殺前御史中丞楊朵兒只中書平章蕭拜住並籍其家皆非汗意已而司農卿完者不花言先帝以土田頒賜諸臣者宜悉歸之官汗問所賜者爲誰以左丞相合散所得爲多對汗曰子常諭卿等當以公心輔弼卿於先朝嘗請海舶稅以合帶奏而止今卿所言乃復私憾耳非公議也豈輔弼之道耶遂出言者不花爲湖南宣慰使三月戊子徵諸王駙馬流竄者給侍從各遣就分地庚寅汗卽位詔曰洪惟太祖皇帝膺期撫運肇開帝業世祖皇帝神機睿略統一四海以聖繼聖迨我先皇帝至仁厚德涵濡羣生君臨萬國十年于茲以社稷之遠圖定天下之大本叶謀宗親授子冊寶方春宮之與政遽昭考之賓天諸王貴戚元勳碩輔咸謂朕宜體先帝付託之重皇太后擁護之慈旣深繫於人心

詎可虛于神器。合辭勸進，誠意交孚。乃於三月二十日

是月辛巳朔庚寅為月之第十

日舊作十一日蓋即皇帝位於大明殿。誕受維新之命。庸推在宥之恩。

可大赦天下。於戲。尚念祖宗丕緒。持守維艱。萬幾之繁。罔敢暇逸。

更賴遠近宗戚左右臣鄰咸一乃心。共輔予治。免被災州郡絲銀

五分。江淮夏稅三分。差發稅糧逋欠在民者。普與蠲免。各處站赤

毋得汎濫給驛。陳亾官軍。常例存恤外。再展一年。兩廣雲南嘯聚

徒眾。許赴官自首。槩從寬宥。科舉貢試法。竝如舊制。是日尊太后

為太皇太后。壬辰。太皇太后受朝賀於興聖宮。后如傳云仁宗皇后阿

宗即位。上尊號皇太后。明日受百官朝賀於興聖宮。按明日為辛卯。而舊紀庚寅日既未書尊皇
后為皇太后。辛卯日亦未書皇太后受百官朝賀於興聖宮。且興聖為太皇太后。答已所居宮名。
非仁后所得御。以受百官朝賀。舊傳所云。疑涉此而誤。又傳稱仁宗后。至治二年崩。上諡莊懿。慈
聖皇后升祔仁宗廟。而舊紀則后與仁宗以延祐七年八月丙辰同祔廟。后如表上尊諡之年與
紀同。似傳誤而紀表是以傳載尊諡文有為天下母而養弗逮一語。似仁宗后。且於英宗未即位
之前。其皇太后乃身後追尊之號。而尊號文固云致天下之養以為樂。又似英宗即位後逮養者
然。凡諸疑竇。史闕有閒。莫能明也。附注於此。以俟再考。

加鐵木迭兒開府儀同三司上柱國太師

敕羣臣超授散官者。朝會毋越班次。甲午。作佛事於寶慈殿

市羊五十萬。噉馬十萬匹。贍北邊貧乏者。禁擅奏璽書。以

知樞密院事也。先鐵木兒兼領左右衛率府。參据泰定紀補也。先鐵木兒名。以翰林

學士承旨宣徽使鐵失爲太醫院使。尋命領中都威衛都指揮使。

舊紀失載。据逆臣鐵失舊傳補。以明履霜堅冰至之漸。

壬寅降授李孟集賢侍講學士。御史臺

請降詔諭百司以肅臺綱。汗曰。卿等但守職盡言。善則朕當服行。

否亦不汝擧也。甲辰詔中外毋沮議鐵木迭兒。丙午遣官告

卽位於南郊。夏四月庚戌朔勳告於太廟。詔復中統鈔法。曰。

朕惟食貨生民之本。權以泉幣。貴在適時。昔我世祖皇帝所立中

統鈔。廢罷雖久。民間物價每以爲準。有司依舊印造。與至元鈔子

母竝行。凡官司出納。百姓交易。竝計中統鈔數。前尙書省所發新

舊銅錢。與民間宿藏者。所在充溢。雖畸零使用。亦便於民。然壅害

鈔法。深妨國計。其至大銅錢。詔書到日。立赴各行用鈔庫。依例倒

換。無致虧損。歷代舊錢。有司所發者。與百姓宿藏。旣不可辨。令截

日住罷。至推禁金銀。本以權衡鈔法。條令雖設。其價益增。民實弗

便。自今權宜開禁。聽從買賣。若商舶私帶下番者。依例科斷。遂敕

造今年中統鈔本二百五十萬貫。至元鈔本五千萬貫。罷行中

書省丞相。河南行省丞相也。仙帖木兒。怛忽氏博羅歡之子。舊作也先。鐵木兒與淇陽王同名。易混。据下文改一律。

湖廣行省丞相朵兒只的斤。及遼陽行省丞相。竝降為本省平章

政事。惟征東行省丞相高麗王王燾如故。罷回回國子監及行

通政院。乙卯。封諸王薛徹禿為寧遠王。薛徹禿譯從世系表舊甲

命京師勢家與民均役。戊午。以卽位告社稷。命平章王毅等

徵理在京諸倉庫糧帛虧額。庚申。以太常禮儀院使拜住為中

書平章政事。賜西僧牙人的里號玄水延教三藏法師。佩金印

括馬三萬匹。給蒙兀流民。遣還所部。從鐵木迭兒請。禁諸臣

隔越中書奏事。乙丑。大行皇帝喪卒哭。作佛事七日。戊辰。車

駕如上都。封王煦為雞林郡公。高麗王章假子罷市舶司。禁賈人下番

課。回回散居郡縣者。戶歲輸包銀二兩。增兩淮荆湖江南東

西道田賦。斗加二升。有因近臣獻七寶帶者。汗曰。朕登極以來

不聞卿等薦賢。而為人進帶。是以利誘朕也。斥還之。後遂禁獻寶

貨 是月。紹慶路洞蠻為寇。命四川行省捕之。五月。禁西僧馳

驛。仍收元給璽書。庚辰。殺上都留守賀勝。籍其家。己丑。左丞

相合散罷為嶺北行省平章政事。進拜住為中書左丞相。乃刺忽

塔失海身竝進拜平章政事。只兒哈郎參知政事。辛卯。參知

政事欽察罷為集賢學士。遣使推廣東番貨。和林民間海瘞

殍死遺骸三千具。旌其門。乙未。請大行皇帝謚於南郊。禁宗

戚權貴避徭役。及作奸犯科。戊戌。新除嶺北行省平章合散。中

書平章黑驢。御史大夫脫忒哈。徽政使識烈門。與故要束木妻亦

列失人。要束木。据拜住傳譯文。謂作要束謀。似即至元時湖廣平章以桑哥妻黨伏誅者。謀廢立。蓋謀廢汗而立安。王元都思不花。事覺。伏

誅。汗初聞告變。御穆清閣。召拜住謀。拜住請鞫狀。汗曰。彼若借太

皇太后為詞。奈何。即命拜住帥衛士速往捕斬之。竝籍其家。參拜住傳。成文。

辛丑。以知樞密院事鐵木兒脫為中書平章政事。甲辰。詔暴

合散等梟於天下。曰。朕肇登大寶。祇適先猷。仍圖任於舊人。庶其

新於治效。豈期邪黨。輒蒞私心。邇者合散黑驢脫忒哈識烈門亦

列失八等。潛結詭謀。撓亂國政。不明斥其謀廢立為太皇太后地也既自作於弗靖。固難

道于嚴誅。賀勝輕侮。詔書殊乖臣節。不加懲罰。曷示等威。按勝死非其辜今與

合散等並列詔中蓋汗為鐵木迭兒所蔽猶未察其寃也今已正國法。籍沒其家。於戲。惟邦國之用刑。

以清羣慝。俾人臣之知戒。勿蹈匪彝。咨爾有眾。體朕至懷。見典章丙

午。捕亦列失八子江湔行省平章買驢。仍籍其家。丁未。封梁王

松山子王禪為雲南王。往鎮其地。六月己酉。流徽政院使米辭

迷於金剛山。蓋亦於謀廢立事有關係者以脫忒哈識烈門前所奪人畜產歸其

主。甲寅。前太子詹事牀兀兒伏誅。蓋亦預謀廢立者乙卯。賞誅合散等

功。賜拜住以下金銀鈔有差。丙辰。收脫忒哈廣平王印。召河

南行省平章也仙帖木兒至京師。丁巳。以江西行省左丞相康

里脫脫為御史大夫。宗正札魯忽赤鐵木兒不花知樞密院事。

戊午。封知樞密院事塔失鐵木兒薊國公。定邊地盜孳畜臯。初

犯。給各部力役。再犯。斷如內地法。賜角觝者百二十八。鈔各千貫。辛酉。詔免僧人雜役。敕諸使至京師者。大事五日。小事三

日遣還毋稽。振北邊饑民。有妻子者鈔千五百貫。孤獨者七百

五十貫。乙丑。新作太祖幄殿。丁丑。改紅城中都。威衛為忠翊

侍衛親軍都指揮使司。隸樞密院。仍以鐵失領之。是月。西番盜

洛各日降。秋七月戊寅。命玄教宗師張雷孫脩醮事於崇真寺

立普定路屯田。分烏撒烏蒙田卒二千赴之。運和林糧於札

昆倉。以便邊軍。復市馬五萬匹。羊四十萬。噉給邊軍貧乏者

括大同興和冀寧三路馬。以頒衛士。甲申。車駕將北狩。調左右

翼軍先往。緣道浚井。出知樞密院事買驢哈丹竝為遼陽行省

平章政事。罷女真萬戶府及狗站脫脫禾孫。散遼陽紅花萬

戶府兵。遣扈從諸營還大都。禁踐民禾。時方北狩不宜遽遣扈從諸營還大都蓋更番者或預殺安

南內附人陳巖言。其國貢使多為覬伺。敕湖廣行省汰遣之。徵

甘肅行省平章欽察入知樞密院事。丙申。中書平章政事乃刺

忽罷。降封皇弟安王兀都思不花為順陽王。降封之故舊史未明言蓋涉廢立嫌疑也

始製袞冕。庚子。南臺御史中丞廉恂。宰相表廉米只兒海牙入為中書平章

政事 己巳出知樞密院事也兒吉尼爲江西行省平章政事

幹魯思辰告諸王月兒魯鐵木兒謀變賞鈔萬五千貫赦中外希

旨自請者勿予 賜女巫伯身台鈔萬五千貫伶人二萬五千貫

酒人十五萬貫同回太醫進藥者鈔數同酒人其藥曰打里牙八月丁未

朔嶺北省臣忻都坐以官錢犒軍免詔復其職 戊申祭社稷是爲

秋祭社稷之始後不悉書乙卯賜上都駐冬衛士鈔四百萬貫 蓋屋妖僧圓

明燒香聚眾僭亂伏誅舊紀書於至治元年十月辛丑朔誤破異引經世大典略云延祐七年六月十三日夜奉元路蓋屋縣終南景谷小高山僧圓

明和尚就扶風糾合蘇子榮等五十餘人各執桑木笏持二劍祀星斗偽卽位爲皇帝眾呼萬歲圓明和尚者姓白名唐古岱建禪菴小高山秋池邊蓋屋人來燒香者受戒牒因與子榮等相識

至是誠以七月五日攻奉元路舉事六月二十九日扶風人告變官軍捕之唐古岱提劍夜二更欲出山走官軍圍之遂相射雞鳴時復回庵七月一日陝西參政朵兒只以兵捕賊唐古岱藏其

母林中與妻妙師及其黨西循秦嶺走久之棄偽印章草內八月五日官軍追及執妙師等九日禽唐古岱于白楊平河伏誅是其事之始末皆在延祐七年也元脩經世大典去延祐較近視明

人脩元史爲可徵信矣寄按舊紀至治元年七月辛巳朔書蓋屋僧圓明作亂遣樞密判官章台捕之年月亦誤然藉知當時捕圓明者不止朵兒只一人今參攷之丙辰上

大行皇帝尊諡廟號及皇后尊諡附於太廟右丞相鐵木迭兒攝

太尉行事 戊午鐵木迭兒怨趙世延嘗劾其奸誣以不敬下諸

獄請殺之并請究省臺諸臣不允 宮人官奴坐用日者請太皇

太后榮星杖之籍其資。脫思麻宣慰使亦憐真坐違制不發兵。

杖流奴兒干。

是月車駕狩於北涼亭。

舊紀作帝幸涼亭而趙世延傳作帝獵北涼亭多北字此亭蓋在上都東北三百里答兒

海子上

九月甲申敕建壽安山寺給鈔千萬貫命左丞相拜住

董其役前後役軍匠萬人禁五臺山樵采以廩藏不充停諸

王所部歲給是月雲南木邦路土官給邦遣子忙兀入貢吐

蕃利族阿俄等五種寇成谷循州谿蠻秦元吉常德澧州洞蠻貞

公等竝為寇命所在官遣兵討捕之遣馬札蠻等使占城真臘

龍牙門索馴象冬十月將作院使也速坐董製珠衣怠工予杖

籍產王子作佛事於文德殿亘四十日申嚴兩淮鹽禁戊

午車駕至自上都諭太常禮儀院曰朕將以四時躬祀太室宜

與羣臣集議其禮此追遠報本之道毋以朕勞於對越而有所損

其悉遵典禮乙丑幸大護國仁王寺帝師請以醮八兒監藏為

吐蕃宣慰使都元帥從之作鹿頂殿於上都敕翰林院譯詔

關白中書癸酉流諸王阿刺鐵木兒於雲南西陽州魯儂洞

蠻田謀遠為寇。命守臣招捕之。其地土官冉世昌遣子冉朝帥大

小石隄洞蠻入貢。十一月丙子朔。汗宿齋宮。丁丑。始服袞冕。恭

謝太廟。至仁宗室。欷歔流涕。感動左右。庚辰。殺順陽王兀都思

不花。遣怯薛歹定住等括其邸財物。入章佩監及中政院。諸王表順陽王兀都

思不花延祐七年由安王降封尋見殺而英宗舊紀不載殺順陽王事諱殺親弟也今以遣定住等括其邸財物知王已見殺矣殺王之日未必即括邸財之日然相距必不遠特補書於此

汰衛士冒受賜者。禁京城諸寺邸舍匿商稅。辛巳。以躬祀太

廟禮成。御大明殿受朝賀。丁亥。作佛事於光天殿。八達汗咀于此殿戊

子。幸隆福宮。丁酉。詔各郡建前帝師八思巴殿。其制視孔子廟

有加。遣使閱實各省戍兵。計京官奉鈔。給米三分。鐵木迭

兒言。和市織幣薄惡。由董事者不謹。請免右丞高昉等官。仍令郡

縣更造。徵其元直。不允。交趾蠻儂志德寇脫零那乞等六洞。命

守將討之。十二月乙巳朔。詔以明年為至治元年。減天下租賦

二分。包銀五分。免大都上都興和三路差稅三年。優復煮鹽鍊鐵

等戶二年。開燕南山東河泊之禁。聽民采取。命官家屬流落邊遠

者有司給資遣之其子女典鬻於人者聽還其家監察御史廉訪司歲舉可任守令者二人七品以上官有偉畫長策可以濟世安民者實封上之士有隱居行義明治體不求聞達者有司具狀以聞

江南饑

江南舊紀誤作河南按是年九月罷河南酒禁則河南不饑可知十月海運不給命江淞行省以財賦府租益之則江南饑可知

汗問其故

羣臣莫對汗曰良由朕治化未洽卿等又不盡心乃職委任失人致陰陽乖和災害荐至自今各務勤恪以應天心毋使吾民重困

以明年天壽節預遣使脩醮於龍虎山乙卯帥百官奉冊加

上太皇太后尊號丙辰以太皇太后加號禮成御大明殿受朝

賀丁巳詔諭中外作延春閣後殿壬戌召西僧亦憐真乞烈

思赴京師敕所過郡縣肅迎丙寅以典瑞院使闊徹伯知樞密

院事脩祕密佛事於延春閣敕內外封奏得直進御前毋庸

省臣開視如細民輒訴訟者則禁之給武宗皇后鈔七十五萬

貫忽都魯都兒迷失譯進大學衍義賜鈔五萬貫仍以印本頒

賜蒙兀色目諸臣己巳敕罷明年二月八日迎佛

初世祖甲帝師八思巴言於御坐上

置白織蓋一頂用泥金書梵字其上歲以二月啟建白織蓋好事周遊皇城內外云與眾生破除不祥累朝相沿為定制至是偶罷

中書右丞木人刺以

本官行省江西中書參知政事只兒哈郎超擢右丞江南浙西道

廉訪使辭居敬復入為中書參知政事

辭居敬名見皇慶二年舊紀此處舊作辭處敬改從初見宰相舊表參政辭丁

闕名

江淞行省平章伯顏察兒江西南行省平章白撒都竝坐貪墨

免官汗間賀勝母老閱之以所籍京兆田磴還其家貶前高

麗王王章於吐蕃撒思嘉之地祝髮為僧

據東史輯略補

播州蠻蠻的羊

籠等來降上思州叛獠結交趾寇忠州是歲洩獄輕重七千

六百三十事以海運不給命江淞行省以財賦府租益之歸其

直於宣徽中政二院中書會稽登極大賚諸王百官之數凡金

五千兩銀七十八萬兩鈔百二十一萬一千貫幣五萬七千三百

六十四匹帛四萬九千三百二十二匹木絲九萬二千六百七十

二斤

斤舊誤作匹

布二萬三千三百九十八匹衣八百五十九襲鞍勒弓

矢有差河洩汴梁灌原武諸縣滹沱洩文安大成渾河溢壞民

田廬成紀暴雨山崩朽壤墳起覆沒畜產

至治元年春正月丁丑脩佛事於文德殿 甲申召高麗王王燾

赴上都

元朝受燾從兄弟瀋王王嵩之譖故召之是年四月至上都事見東史輯略舊紀作召高麗王王章赴上都誤甚王章於皇慶二年即傳位於子燾是時在高麗王位者王燾也且王章於延祐七年十一月以護貶撒思嘉之地至治三年九月泰定帝即位始赦還今年正在撒思嘉也

丙戌太廟始春享汗服袞

冕行初獻禮左丞相拜住亞獻知樞密院事闊徹伯終獻禮畢汗

還坐大次謂羣臣曰朕纂承祖宗丕緒夙夜祇懼無以報稱歲惟

四祀使人代之不能致如在之誠實所未安自今伊始歲必親祀

以終朕身廷臣或言祀事畢宜大赦者汗曰恩可常施赦不可屢

下使殺人獲免則死者何辜遂命中書陳便宜事行之 丁亥汗

欲以元夕張燈宮中中書參議張養浩疏諫乃止仍賜養浩帛以

旌其直 二月己酉作仁宗神御殿於普慶寺 調軍三千五百

人脩上都華嚴寺

造大永福寺成

中建御容殿去年二月經始

賜金百兩銀二千

五百兩鈔五十萬貫幣帛萬匹 丁巳敕於柳林敕更造行宮

以諫造壽安山佛寺殺監察御史觀音保

句

鎖咬兒哈的迷失杖

流成哇李謙亨於奴兒干之地 賜僧法洪號釋源宗主佩司徒